

Na osnovu člana 33. Zakona o izvršavanju Budžeta za 2013. godinu („Službene novine Zeničko-dobojskog kantona“, broj: 19/12) i člana 137. Zakona o socijalnoj zaštiti, zaštiti civilnih žrtava rata Zeničko-dobojskog kanton („Službene novine Zeničko-dobojskog kantona“, broj: 13/07 i 13/11), Zeničko-dobojski kanton – Ministarstvo za rad, socijalnu politiku i izbjeglice, raspisuje:

JAVNI POZIV
za finansiranje i sufinansiranje programa/projekata povodom obilježavanja „Dječije nedjelje“ u Zeničko-dobojskom kantonu

I. Predmet javnog poziva

Javnim pozivom prikupljaju se prijedlozi programa i projekata za dodjelu finansijskih sredstava za finansiranje i sufinansiranje projekata koji su posvećeni djeci, u svrhu preduzimanja mjera i akcija za unapređenje zaštite i brige o djeci.

II. Pravo učešća

Na Javni poziv mogu se prijaviti općine, ustanove socijalne i dječije zaštite, kao i udruženja i fondacije (u daljem tekstu: Korisnici) čije su programske/projektne aktivnosti usmjerene na podsticanje i organizovanje unapređenja zaštite i brige o djeci sa područja Zeničko-dobojskog kantona. Projekt/program se može provoditi u saradnji s drugim udruženjima ili drugim pravnim osobama.

III. Namjena

Pravo na korištenje sredstava mogu ostvariti Korisnici koji imaju odgovarajući stručni kadar za realizaciju predloženih programa i projekata, a koji se odnose na:

1. pružanje pomoći i poticanje integracije djece sa invaliditetom, djece ometene u fizičkom ili psihičkom razvoju i djece bez roditeljskog staranja ,
2. unapređivanje kvaliteta života i zaštite djece sa teškoćama u razvoju,
3. socijalnu zaštitu i zaštitu porodica sa djecom.

IV. Sadržaj projekta i prilozi

Uz popunjen prijavni obrazac podnosilac treba priložiti program/projekat za obilježavanje „Dječije nedjelje“, sa pratećom dokumentaciju kako slijedi:

1. Rješenje o upisu u registar pravnih lica kod nadležnog organa - ovjerena fotokopija,
2. Identifikacioni broj - ovjerena fotokopija,
3. Bilans stanja i uspjeha za prethodnu godinu - fotokopija,
4. Uvjerjenje o izmirenim poreskim obavezama izdato od strane nadležne poreske uprave.
5. Detaljan opis programa/projekta sa svim aktivnostima (aktivnosti mogu biti sadržane na maksimalno dvije stranice)
6. Finansijski plan za realizaciju programa/projekta sa specifikacijom troškova, sa dokazom o visini sredstava koji je obezbijeden iz vlastitih ili drugih izvora,
7. Kratak prikaz prethodno realizovanih programa/projekata povodom obilježavanja „Dječije nedjelje“ ili unapređenja zaštite i brige o djeci,
8. Kratku biografiju sa podacima o stručnoj spremi i iskustvu osobe/osoba, koje će raditi na realizaciji programa/projekta.

V. Kriteriji za ocjenu projekata/programa

Kriteriji za ocjenu programa /projekata su:

- doprinos programa/projekta u ostvarenju namjene obilježavanja „Dječije nedelje“ (bodovanje kriterija: 0-5),
- broj djece koja su direktno obuhvaćena programom /projektom (bodovanje kriterija: 1-3),
- sufinansiranje projekta odnosno programa iz sopstvenih i iz drugih izvora: domaćih i međunarodnih (bodovanje kriterija: 0-5)
- saradnja sa drugim udruženjima/fondacijama na realizaciji projekata/programa (bodovanje kriterija: 0-3),
- ekonomičnost projekta (bodovanje kriterija: 1-3),
- unapređenje socijalne zaštite i zaštite porodice sa djecom na području Zeničko-dobojskog kantona (bodovanje kriterija: 1-3),
- realizovani programi/projekti povodom obilježavanja „Dječije nedelje“ ili unapređenja zaštite i brige o djeci (bodovanje kriterija: 0-3).

VI. Podnošenje projekata

Prijave na Javni poziv, sa prijedlogom projekta i pratećom dokumentacijom, dostavljaju se u zatvorenoj koverti Ministarstvu za rad, socijalnu politiku i izbjeglice, na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br.2, 72000 Zenica, Bosna i Hercegovina

Sa obaveznom naznakom: „**Ne otvarati** – Prijava na Javni poziv za finansiranje i sufinansiranje programa/projekata povodom obilježavanja „Dječije nedjelje“ u Zeničko-dobojskom kantonu“

Javni poziv bit će objavljen na službenoj web stranici Zeničko-dobojskog kantona (www.zdk.ba) i Dnevnom avazu, a ostaje otvoren 15 dana od dana objavljivanja u Dnevnom avazu.

Nepotpune i neblagovremene prijave neće se uzeti u razmatranje.

Odluka o odabranim programima/projektima objavit će se na službenoj web stranici Zeničko-dobojskog kantona (www.zdk.ba).

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantoana ili putem telefona 032/244-618.